

## PASOS A SEGUIR PARA CUBRIR O MODELO DE AUTODECLARACIÓN

1. No apartado correspondente indicar o **nome e apelidos do alumno/a e o curso que vai a cursar no 2020/2021**

2. No **IRPF 2019** (declaración da renda 2019) sumar as casiñas 435 + casiña 460. Ao resultado restarlle a casiña 595. (casiña 435 + casiña 460 – casiña 595).

Anotar o resultado final obtido no cadro correspondente do **apartado A**.

Consultar as aclaracións para determinar correctamente a renda da unidade familiar.

3. Cubrir o cadro do **apartado B** indicando o DNI, Apelidos, Nome e data de nacemento de cada un dos membros da unidade familiar, incluídos o/os alumno/s para os que se solicita o comedor. A **unidade familiar** está formada polos **cónxuxes non separados legalmente e os fillos menores de idade (Poñer só os fillos menores de 18 anos a data 31 de decembro de 2019)**.

Consultar as aclaracións para determinar a unidade familiar.

4. Indicar no **apartado C** o resultado de dividir a cantidade do **apartado A** entre o número de membros da unidade familiar recollidos no **apartado B**.

5. No **apartado D** marcar a casiña correspondente:

- **Aboamento de 0 € por día de servizo**; no caso de que a cantidade do **apartado C** sexa menor ou igual a **7000 €**.
- **Aboamento de 1 € por día de servizo**; no caso de que a cantidade do **apartado C** se atope **entre 7000,01 € e 8000 €** e sexan **un ou dous os menores** os que se atopan en idade escolar (Educación Infantil, primaria e/ou ESO). Ou que a cantidade do **apartado C** sexa **igual ou superior a 7000,01 €** e sexan **tres ou máis os menores** os que se atopan en idade escolar (Educación Infantil, primaria e/ou ESO).
- **Aboamento de 2,50 € por día de servizo**; no caso de que a cantidade do **apartado C** se atope **entre 8000,01 € e 9000 €** e sexan **un ou dous menores** os que se atopan en idade escolar (Educación Infantil, primaria e/ou ESO).
- **Aboamento de 4,50 € por día de servizo**; no caso de que a cantidade do **apartado C** sexa **igual ou superior a 9000,01 €** e sexan **un ou dous menores** os que se atopan en idade escolar (Educación Infantil, primaria e/ou ESO).

Para a realización dos cálculos pódese empregar a calculadora de simulación dos prezos dos comedores escolares: <https://www.edu.xunta.es/comedores/calculadora.jsp>

## **ACLARACIÓNS PARA DETERMINAR CORRECTAMENTE A RENDA ANUAL FAMILIAR**

Para determinar a renda anual familiar hai que sumar as rendas obtidas por todas as persoas que integran a unidade familiar. Nesta operación poden presentarse varias situacións:

- Unidades familiares nas que ambos cónxuxes, ou calquera outro integrante dela, perciben rendas e teñen a obriga de presentar a declaración anual do IRPF. Neste caso, o importe da renda familiar resultará das sumas e restas das casañas indicadas, que se obterán de cada declaración, se foron presentadas individualmente -que é o habitual- ou ben, da declaración conxunta.
- Unidades familiares nas que ambos cónxuxes perciben rendas pero só un deles ten a obriga de presentar a declaración. Neste caso, a obtención do importe da renda familiar resultará das sumas e restas das casañas indicadas, para o membro da unidade que presentase declaración do IRPF máis o importe que resulte para o outro integrante da unidade familiar que non presentou declaración do IRPF, segundo os seus datos fiscais que deberá para realizar o cálculo dos seus ingresos, sumar os importes das casañas 0003 (retribucións dinerarias) e 0027 (intereses) e restar os importes das casañas 0013 (cotizacións seguridade social), 0596 (retencións procedentes do traballo) e 0597 (retencións procedentes do capital mobiliario).
- Cando ambos cónxuxes perciban rendas pero non teñan a obriga de presentar declaración da renda ou ben cando o cónxuxe ou os cónxuxes non perciban renda ningunha suxeita a tributación do IRPF. Nestes supostos, os interesados deberán consignar os seus datos fiscais do mesmo xeito que no especificado no apartado anterior para os membros que non presentase declaración do IRPF.

## ACLARACIÓNS PARA DETERMINAR A UNIDADE FAMILIAR

En base ao disposto no artigo 16 do Decreto 132/2013, o concepto de unidade familiar é o definido na normativa do imposto da renda das persoas físicas.

Aos efectos do IRPF, existen dúas modalidades de unidade familiar:

1.- No caso de matrimonio:

A unidade familiar está integrada polos cónxuxes non separados legalmente e, se os houber:

- a) Os fillos menores, con excepción dos que, co consentimento dos pais, vivan independentemente destes.
- b) Os fillos maiores de idade incapacitados xudicialmente suxeitos á patria potestade prorrogada ou rehabilitada.

Hai que ter en conta que a maioría de idade acádase ao cumprir 18 anos.

2.- En ausencia de matrimonio ou nos casos de separación legal:

A unidade familiar está integrada polo pai ou pola nai e a totalidade dos fillos que convivan co pai ou coa nai e reúnan os requisitos da modalidade anterior (os supostos a) ou b) do apartado 1).

Polo tanto:

- Calquera outra agrupación familiar, distinta das anteriores, no constitúe unidade familiar a efectos do IRPF.
- Ninguén pode formar parte de dúas unidades familiares ao mesmo tempo.
- O número de membros da unidade familiar realizarase atendendo á situación existente o día 31 de decembro de cada ano. Polo tanto, se un fillo cumprira 18 anos durante o ano, xa non formará parte da unidade familiar nese período impositivo. Tampouco formarán parte da unidade familiar o membro que falecera durante o período impositivo.
- Nas parellas de feito só un dos seus membros (pai ou nai) poden formar unidade familiar cos fillos que reúnan os requisitos anteriormente comentados (os supostos a) ou b) do apartado 1). O mesmo criterio é aplicable nos casos de separación ou divorcio con garda e custodia compartida.